

VÅGÅ FJELLSTYRE

MØTEBOK

Arkiv	Saksbehandlar	Møtedato	Sak nr.
F789	Knut Øyjordet	09.07.19	21/19

SØKNAD OM BYGGING AV NY SETERSTUE – OLE ROGER HØLMO*Saksdokument:*

Søknad frå Ole Roger Hølmo av 04.07.19.

Saksutgreiing og vurdering:

Ole Roger Hølmo søker om å erstatte seterstua med ei ny. I følgje teikninga som er vedlagt søknaden, vil den nye stua bli på ca. 59 m² (utvendig mål), og bygd i tømmer. Den gamle stua som er bygd i reisverk, er på ca. 36 m². På setra elles står det eit fjøs på ca. 64 m². Hølmo driv med mjølk- og kjøtproduksjon. På setra blir det hausta fôr, og kvea blir hamna med eigne dyr.

Etter reglane i «Seterforskrifta» er det slik at fjellstyret skal vurdere behovet for bygningsmasse på ei seter. Setra er i bruk ved at seterkvea blir onna, samt at den blir hamna med eigne dyr. Det blir søkt om å byggje ei litt større stue enn den gamle, men det er ikkje ei vesentleg utviding av bygningsmassen. Difor bør søknaden bli imøtekomen.

Vedtak:

I medhald av § 10 i ”Forskrift om seter og tilleggsjord m.m. i statsallmenningane” får Ole Roger Hølmo løyve til å byggje ei ny seterstue på ca. 59 m² som erstatning for den gamle stua på setra slik det vert søkt om. Løyvet blir gjeve under vilkår av at Statskog ikkje har nokon merknad. Dersom Statskog har innvendingar, må dette bli gjort kjent for fjellstyret innan tre veker etter mottak av vedtaket. Løyvet er heller ikkje å oppfatte som byggjeløyve etter plan- og bygningslova, og det må såleis innhentast løyve frå kommunen.

Rett utskrift. Går til:

Statskog v/Hilde Hammer
Ole Roger Hølmo

Kopi til:

Vågå kommune v/Bjørn Ivar Solheim

Etter fullmakt

Ivar Vistekleiven (sign.)
Fjellstyreleder

Knut Øyjordet
Dagleg leder

Adresse	Telefon	Bankgiro	E-post
Postboks 16 2684 VÅGÅ	61 29 37 37	2085.25.13625	vaga@fjellstyrene.no